

هو : شوفي أنت كم مرة قلت بلاش يمكن عشر مرات . .
تفتكرى إذا كانت دى رغبتك موش أحسن لى . . وأحسن لك .

هى : عاوز تقول أيه ؟

هو : عاوز أقول اللى أنت عاوزه تقولىه . .

هى : بلاش ..

هو : وهو كذلك . . بلاش بس شدى أيدى وطلعيني من
الرملة ده . .

هى : واطلعك ليه أنا . . واحدة تانية بقى . .

هو : خلاص . . قوام كده . .

هى : إذا كان فى الهباب اللى أنت فيه وبتقول كده . .
أمال لما تطلع بره وتنزل نعوم شوية . . وترجع تاخذ دش وتنشم
شوية هوا حتقول أيه . .

هو : هو أنت بتكلميني كل الكلام ده علشان أنا محبوس . .
عاشان أنا غرقان . . أنت خايفة تكلميني وأنا قاعد فوق
الرملة .. والله شاطرة .. ناصحة أنت .. لكن مش ده اللى ينفع ..

هى : أسمع . . أنت واخذ الحكاية جد ليه . . أحنا مش
أبتفقا أننا لما نلاقى نفسنا نتكلم بالشكل اللى يقرف ده نغير